



<i>Dependencia</i> XEP.- Xestión de espazos públicos e privados 4.- APRFL		
<i>Documento</i> XEP14I06A	<i>Expediente</i>	<i>Fecha</i> 08-05-20 11:21

Sello o Certificación Mecánica

Asunto

AUTORIZACION EXCEPCIONAL E TEMPORAL
DE OCUPACION DE E SPAZO PÚBLICO

Interesado y Localización de la Actividad

D/D^a JOSE ANTONIO SANCHEZ BUGALLO



DECRETO DE ALCALDÍA

A actividade hostalería é esencial dentro das actividade económicas desta cidade que ten no turismo unha das súas máis importantes fontes de riqueza e de xeración de emprego. Os negocios de hostalería complementan a súa oferta coa instalación de terrazas e, en base ao réxime xurídico establecido na Ordenanza Municipal Reguladora das Terrazas e Quioscos de Hostalería aprobada polo Pleno de 26 de abril de 2012 e modificada por acordos de Pleno de 26 de setembro de 2013 e 28 de xaneiro de 2019, moitos locais da cidade teñen concedida licenza para a ocupación de espazos de dominio público tanto na zona histórica como no resto dos espazos da cidade.

A Declaración do Estado de Alarma por Real Decreto 463/2020 de 13 de marzo conlevou o peche, entre outras actividades, daquelas ao servizo das que estaban as terrazas como cafe bares, bares e en xeral negocios de restauración.

O artigo 7.1 do Real Decreto limitou a libre circulación das persoas a determinados supostos, contemplando no seu Apartado 6 que o Ministerio de Sanidade poida dictar Ordes e Instrucións en relación coas actividades e desplazamentos en función da evolución da pandemia.

Asemade o artigo 10 do citado Real decreto recolle as medidas de contención no ámbito dos establecementos e locais comerciais, actividades de hostalería e restauración, habilitando asemade ao Ministro de Sanidade para modificar, ampliar e restrinxir as medidas, lugares, establecementos ou actividades enumeradas no Real Decreto, por razóns xustificadas de saúde pública.

Pois ben, dada a nova situación de inicio do proceso de desescalada, España ten iniciado un proceso de redución gradual das medidas extraordinarias de restricción da mobilidade e do contacto social. O pasado 28 de abril o Consejo de Ministros adoptou un Plan para a transición hacia unha nova normalidade articulado en catro Fases.

Segundo se fai constar na exposicion de motivos da Orde SND/386/2020, do 3 de maio, publicada no B.O.E. núm. 123 dese mesmo día o obxectivo fundamental dese Plan é conseguir que preservando a saúde pública, vaia recuperándose paulatinamente a vida cotiá e a actividade económica.

Dependencia XEP.- Xestión de espazos públicos e privados 4.- APRFL		
Documento XEP14I06A	Expediente	Fecha 08-05-20 11:21

Desde esa perspectiva, no artigo 12 da citada Orde autorízase a reapertura ao público das terrazas dos establecementos de hostalería e restauración limitándose ao cincuenta por cento das mesas autorizadas no ano anterior con licenza municipal .
Como condición establécese a obriga de que se manteña en todo caso a distancia física de dous metros entre as mesas ou agrupacións de mesas .

As licenzas en base ás que se concede a ocupación de espazo demanial para terrazas vinculadas a actividades de restauración achegan un plano de base cartográfica delimitando claramente o espazo de ocupación de cada terraza, os metros cadrados de superficie a ocupar e o número de mesa e cadeiras que o solicitante pode instalar.

Como consecuencia da Orde ministerial, esa concesión foi modificada temporalmente nas súas condicións por mor da emerxencia sanitaria e de xeito dinámico en canto ao número de mesas a ocupar (que se reduce), as condicións da ocupación para preservar a saúde dos peóns e os metros cadrados a ocupar que poden ser amplicados mediante resolución expresa.

A modificación da ocupación do dominio publico derivada da Orde ministerial SND /386/2020 require autorización nos termos previstos na ordenanza e na normativa sectorial aplicable, sen que ademáis a licenza concedida no seu día tivera xenerado un dereito adquirido (artigo 5 da Ordenanza reguladora ds terrazas e quioscos de hosteleria). Porén a actual situación derivada do estado de alarma e a perentoriedade e urxencia na resolución de modificación dos centos de autorizacións de ocupación demanial de espazo publico con terrazas actualmente vixentes na cidade, faría imposible a pormenorizada revisión de cada caso nun periodo temporal aceptable para aqueles que precisan e estan habilitados para abrir o seu negocio, polo que resulta axeitado articular unha autorización da ocupación vinculada á concesión vixente do ano 2019, cumprindo as novas condicións que para o exercizo da autorización concedida derivan da Declaracion do Estado de Alarma e da Orde SND/386/2020 e suxeita a aquelas Ordes e Instruccións que o Ministerio de Sanidade e o Goberno de España poida dictar .
A efecto do disposto na Disposición Adicional terceira do Real Decreto 463/2020 de 13 de marzo modificado polo Real Decreto 465/2020 de 17 de marzo, enténdese de interese público o levantamento da suspensión e a resolución que se dicta.

Visto o exposto,

RESOLVO

AUTORIZAR polo prazo inicial de **CATRO MESES** prorrogables en función da evolución da crise sanitaria xerada polo COVID-19 o incremento da ocupación do dominio público con mesas e cadeiras ao servizo de establecementos de hostaleria (artigo 14.1 da Ordenanza Reguladora) concedido na licenza en vigor no ano 2019, **polo espazo imprescindible para facer factible a instalación do cincuenta por cento das mesas**

Dependencia XEP.- Xestión de espazos públicos e privados 4.- APRFL		
Documento XEP14I06A	Expediente	Fecha 08-05-20 11:21

autorizadas no ano 2019 cumprindo as seguintes condicións engadidas as xa existentes na súa licenza e as condicións sanitarias e de saúde pública en vigor en cada momento :

- **Manter en todo caso a distancia física de dous metros entre as mesas ou agrupacións de mesas .**
- **Manter a distancia física de dous metros as entradas dos portais de acceso ás vivendas**
- **Manter a distancia física de dous metros as entradas dos locais comerciais con actividade.**
- **Manter a distancia física de dous metros aos pasos de tránsito peonil .**

CONDICIÓN RESOLUTORIA

A presente autorización ten carácter excepcional e temporal e quedará sen efecto en caso de incumprimento das condicións ou requerimento de acceso o prestación de servizos públicos ou de primería necesidade .

A presente autorización excepcional quedará automaticamente sen efecto en caso de que a súa efectividade sexa contraria a posteriores Ordes ou Instrucións dictadas polo Ministerio de Sanidade o Goberno de España ou decaia a causa que a xustificou.

Santiago de Compostela, 8 de maio de 2020
O ALCALDE

Xosé A. Sánchez Bugallo

